

沅  
湘  
耆  
舊  
集

沅湘耆舊集卷第五十

新化鄧顯鶴湘臯編輯

長沙毛國翰青垣校訂

尹和平惟日

三十三首

惟日字冬如一字磨塢茶陵人順治壬辰進士官  
和平知縣以勞卒冬如負奇才其祖一第字二酉  
雲陽儒碩也於星象輿地之學無不究悉遭世亂  
隱居教二子士翰士朝皆有名冬如士翰子也年  
七歲應童子試卽見賞於蔡江門堵牧遊高彙旃  
諸公旣值亂離益慷慨自負好談兵崎嶇戎馬閒  
不廢吟詠入本朝成進士年甫踰冠宰和平時

滇黔未內附屢經用兵荒殘特甚亟上書當事爲  
民請命招徠撫卹不遺餘力又勦撫九連峒寇大  
小凡數十戰最後單騎深入諭降各峒遂以勞卒  
年尙未三十也和乎設縣始王文成固有祠和人

至是感冬如威惠設主於文成祠祀之所著有行

吟三卷和言一卷冬如行吟自序略云余兄弟與

亦成帙無何世事滄桑癸未獻賊陷潭州余叔操

班生之筆漫效張子之推事發幾不免是余叔姪

以詩文而賈矣未之禍也甲申以來朝南夕北不

能有其家而余又爲知已者用仗劍從戎身任戰

場家人父子皆奔命不遑也本朝鼎定余一馬  
脫歸叔姪兄弟遂爲世所知戊子衡湘兵起余與

二兄開道謁庵師於鄂歸尋兩親而構者遂以  
爲口實緹騎四出余父負老祖遠匿窮谷余叔姪  
四人顛沛吉衰閒倚師友以活是余叔姪以詩文  
而譴戍子之禍也然余是時名已倖列貢籍矣核

復後一二讒人交構其間吏議以賄說至是而郭  
外之田蕩然無復有存者余遂出亡西江矣是余  
叔靈以詩文而賈庚寅之禍也辛卯幸舉於鄉時  
道路告駸余挾弓矢奔上春官馬上獨吟渡其以  
屋王辰成進士朝論以余年少欲留青瑣而余往  
年好談兵事身經數十戰深知湖南大勢遺孽負  
竭王師久駐情見勢屈必將有變余不忍余家之  
卽於難也謁諸大老流涕爲言遂匹馬南歸走十  
數日至漢口而長寶果告陷矣乃買舟走九江出  
涿泝吉卒報賊由茶陵破吉州時王子伯敬同行  
余曰賊之輕犯西路者以我師未集也今師已至  
星沙我計日而揣之我到吉賊當走衡桂矣比余  
登舟問吉之士人皆云茶陵於三日前賊方遁去  
王子伯敬益歎余歸之甚勇而甚奇也歸來與家  
人相見荆棘中甫兩月又將有遠  
行檢詩稿付之梓人余自序之

### 秋日感憤

秋氣滿天地寒雲中野度疾風自西來悲涼昨夜雨人生  
值此難忍向白帝訴江南木葉下江北長安路落落離人

羣焉敢褻裳赴嘆我姱修始振襟獨高步今茲逢艱危乃  
悔昔者誤我生已不辰何須更回顧

讀書不萬卷彈劍不盈尺身名付逝水男子而巾幗中材  
涉末流守拙以自適瞻彼英傑士偏爲風塵厄支天骨格  
竦瀝血心膽赤結客少年場頭顱輕一擲埋輪在周道那  
復堪驅策平生有至性獨羞雷同迹霜月照人苦茫茫天  
字碧

風阻草市同陳特生坐聽石泉

孤艇泊磯頭春風送春雨雨聲亂古木落紅怨風誤我亦  
悲落花不向東風訴行行攀磯石聞有流泉路爲君坐斯  
須感君山林素巉崖挂碧草流水朝復暮花落竟虛無流

泉聲不住雖穿石骨寒豈有蛟龍護臨流試新茗空江起  
煙霧

雜詩有引

北上至星沙夜淹留而歸避暑山中作古風十首意固  
無著筆亦澀矣

匣裏有奇光時時輕一吼鬼嫗哭聲斷吳潭龍骨瘦持此  
欲何爲冷冷水紋皺制勝以息馬安用千金購俠兒重意  
氣吾道敦狙豕咄咄嗤荆卿空把祖龍袖

道路霧四塞阮生莫長悲黑雲屯不流鄭重守其雌前年  
狐兔窟春風欲吹開昨日蘊隆候忽爾爲雲雷天帝怨斯  
虐鞭撻蚩尤同有客爲我言將星寄三台抽帆且歸去延

竹令公來

客從遠道來相勸強加餐重之以樽酒涼月擁柴門落紅  
被幽徑江渚生蘭蓀士豈無慷慨相逢數弟昆黃金已擲  
盡俠氣安足論古道如可復素交至今存曾過泝水上絕  
交哭鬼魂

吾不如老農亦不如老圃漫爾爲崢嶸往往古今慕閉門  
鎖日月出門戴風雨朝見青冢白暮過彭祖墓大道無所  
聞陽鳥不可住遲暮亦已矣少年怨窘步怒焉起長歎處  
處行多露

蠻觸鬪一角不辨客與主勝負兵家常微茫列行伍防風  
與蚩尤古今之二豎試觀野馬吹氣可凌蛟虎露沈見文

德何以布爲武周家十八國後亡獨東魯儒者王天下萬世無片土觸天者安在補者又何補

日暮西風起愁讀杜陵詩所感將無同野哭千家悲昨日屠兵至性命待健兒老鴉啄官屋香魂瘞火尸治亂固無常將軍自爲之詔書從天下推轂何人斯出師泣鬼神巧婦亦可炊臣日竭其知帝亦曰其咨

赤松壇 有引

壇在雲陽山之下祀赤松子黃石公考雲陽爲神農之封赤松時爲雨師壇於雲陽由來舊矣黃石則後人附之也

火德開天地封建已無籍因尋茶鄉陵

自注炎陵在余應州茶鄉之尾



有赤松迹 慈慈古雲陽 屢經聖神闢 奚云堪避世 洞裏獨

秦客

自注有秦人洞

異雲常往來 能幻紫與赤

自注水經注云 雲陽多異雲

蛟

龍護風雨 神書聞埋壁 秦皇厭其氣 誤鑿曲阿脈 土人崇  
雨師伏臘 走襪襪功德 必祀之 始封况在昔 誕矣後之人  
獨以仙壇額 且言古神仙 甚具煙霞癖 圯上事影響 但見  
水流碧 附會失其本 遂增以黃石樹穀者 何氏煌煌在史  
冊 雷侯不與漢辟穀 又何益

和平吟

纍纍山如髻 荒草猶城郭 泃水自西來 一線飛崖壑 人家  
半結茅 荆棘雜籬落 日暮東山秀 森然萬嶂幕 謝公廢登  
臨 焉用五丁鑿 此中牧十羊 勞勞瘦一鶴 况命虎與俱 爪

牙利鋒鏑寡婦不畏政未免供猛攫顧我何自疲指陳空  
講講昨日九連山烽傳紅巾虐旌旗壁上觀高會將軍樂  
哀此耕鋤者制挺強騰躍不使賣刀劍爲王固鎖鑰父老  
爲余言賊至勿驚愕但逐城中虎同仇在息作感此徒悵  
然民情未嘗薄率土皆蒼生何不稍斟酌防賊以農戰警  
兵無良藥縱令賊猖狂此已無可掠

古峒踞雲山寸幅難爲地從無大鄉族焉有衣冠第改邑  
百餘年往往好攜貳昔賢憂患心文治兼武備不然荆棘  
中何以設官吏反覆今無常殘者已憔悴設誠安全之族  
類猶我異况乃橫追呼一朝三檄至益以無名派捧讀徒  
流淚愚者死官法鬻賣及童稚黠者奔鋌鹿狼狽爲規避

蠻長更鴻驚遽忘冠履義事固不可知揭竿其故知嗟嗟  
粵多難輓輸勞當事大小七十郡貢賦原一視和爲最爾  
區存之亦如棄剡盡一年肉不供一餐費無補軍國需徒  
爾遭傷許連荆古巢穴嶺空惠潮臂動輒煩籌畫往事言  
猶悸內憂外未甯奈何不加意我不擇南州投身禦魑魅  
去國八千里癡心言撫字 王事方勞午焉敢告勞勤但  
得減一分民受一分利痛哭亦多言我固在其位

丙申生日

春風發上已庭靜晝遲遲斯辰何遽然惆悵多所思廿年  
愧無成引鏡驚微髭來者不可距往者不可追聞道苦未  
早乃爲一官羈况復流嶺外手足無所施嘔盡心頭血無

補蒼生瘼折盡五斗腰難爲菽水支時窮勉道力歲月豈  
吾欺春夢還占夢戲我任小兒

貝墩

有序

和志溫泉五而貝墩居其勝余怪其名跋涉往觀焉至  
則萬山相攢騰空而下勢稍夷突出一石白如磁圓如  
鼓上可坐數十人石上有小竅百餘溫水從中仰噴而  
流焉積而成瀑布下入於江其水若沸湯而至清朝暮  
有氣蒸蒸然而不如他泉之觸人也不知幾日月矣而  
石之受流者未嘗少損斯貝墩之勝乎貝墩之名終不  
能甚解瘴嶺蠻煙中遊跡罕至竟無一可與語者問其  
由來也紀以詩

石鼓發炎精火龍蟠怪石泉燧并罇隨鄰鄰沸水碧微沫  
鬪風雨雲氣蒸月魄沐浴出其英安用鬼斧劈塊然示汞  
鼎姪女笑啞嘿置之祝融頂日出萬古宅獨以貝墩名深  
山留奇蹟有物呵護之蒼蘆神虎惜我欲苦窮源嶺障去  
天尺竚立空躊躇元化悟闕闕笑彼驪山旁走死長安驛

聞湖南大水家兄弟以赴試走星沙

鄉夢繫嶺雲緯恤切莫貸濱海盡橫流乾土止一塊

自注和平

在萬山中驚聞湘水漲水妃亦瀆瀆故廬遊波上甯堪幾  
不知水患  
瀚拜上帝豈不仁斯民何其憊聖明勤水旱緊無封章拜  
億我弟兄貧扁舟浮一芥文章欺波濤身世生感慨天涯  
總傷心所事愧且悔叔出季不處穀糶絲亦賣家園欲何

言龜勉以匪懈

贈王南伯遊擊

自注南伯文成後工書善賦追紅頭駐茶

將軍文成之子孫拔筆翻然來薊門長槍大劍不稱意古  
稱儒將風流存學書亦學王右軍龍蛇草檄兼能文王孫  
顧盼跨鞍馬彎弓欲射天南雲漢家四方多猛士樊英彪  
勇留侯美血戰借箸豈能兼封侯終數灞陵李大賢之後  
能用武書記從征擁旗鼓腰懸斗印豈異人君家故物君  
記取長沙四戰匿小醜岳家軍至曹成走余祖會餉十萬  
師君今交我愧牛酒自注岳武穆追曹成駐茶  
余祖彥德以牛酒犒師沐水波揚  
雲陽路修文露沈武露布斌斌不愧王將軍將軍真不愧

武庫

濠梁道中

平野迷雲樹寒村帶麥田人經離亂後客感海桑天王氣  
江南盡孤軍海上懸蛟龍睡未醒杜宇自年年

寄程石壘

海外文章在依然風雅宗人言今已定此輩自難容蜃市  
留星氣瓊山戀筆鋒懷君著作處柱下仍猶龍  
去國輕如葉傷情不擬驪出來文字謗千古姓名高君獨  
存珠璞人皆羨李桃聖明尚不測莫厭舊青袍

夜泊

到處人煙少維舟又此時黑林燒野火山鬼嘯荒籬煖酒  
呼鄰客彎弓待健兒循川戎馬路不敢嘆遲遲

長沙贈王山長

羅含宋玉宅俱殘，風雅猶存古道看。  
十載書成未削草，三春吟罷幾投竿。  
名山自有斯人在，世路何堪此去寒。  
謾發枕中讀秘字，一舟春雨繫湘蘭。

次理上遊春

雪裏春來帶雨寒，迎春莫放酒杯乾。  
荒城簪綵知誰勝，野客尋梅喜未殘。  
移去舊花沾綠雨，送將歸雁度青巒。  
湘南寥落風光在，讓與先生指點看。

和家叔題陳特生韓居韻

自注特生以家叔父韓侯過訪遂名其廬

華山漫道拂衣歸，勇退深心卻問誰。  
遲我十年羞作相，卽君一臥可稱師。  
文章刪盡詩猶在，風雨吟餘別後思。  
自注時余



將北可憾長沙城畔柳送人重長最長枝

鄂渚寄愁五章

有序錄二

余至鄂渚聞賊陷長寶羽書急馳欲歸無路回首湘雲  
有淚如雨方寸亂矣急不能擇口占五章聊以寄愁

登臨到處動離愁落木蕭蕭九月秋但有風塵迷遠望何  
堪琴劍戀重遊鄉心有夢隨征馬戰壘何人守戍樓聞道  
洞庭翻北浪旌旄已擁大江流

若爲歲暮數歸期羽檄南飛晝夜馳馬上空餘青瑣夢江  
干惟有白雲思故園望眼兵戈裏遊子行蹤雨雪時幾欲  
挂帆迷去住南冠一繫卻知誰

北上舟發攸邑同陳特生作

有引

余十年前交特生於都石驛豪客王君家曲水觴流吳  
姬袖舞曾紀以詩今蔓草矣過其地有興亡之感焉

猶記交游水一方紅衫隊裏少年場五陵豪客黃金盡十

載春風綠草長歌舞爲雲秋月冷篋篋哭雨鬼魂香自注王君

亡於亂湘南兵事無休息賸與遊人弔夕陽

和陳特生山閨

儂家十五頭涔涔楚曲蘭蓀漫解音飛雨何峯長似夢斷  
魂此夜怯聞砧燒香不入小姑廟拜月還愁芳樹林羞遣  
桃花流水去年年燕子遶花陰

新授和平令燕邸雪夜

銅柱蠻煙已半閑薊門滄海莫相猜七千里外愁行李十

八灘頭望驛梅自注十八灘由鳳闕喜瞻天子氣龍川空  
箭入粵之路

築越王臺陸生自愧能談笑白面青袍匹馬來

安陽留寄程文炎

燕雲踏遍楚雲低古道逢人懶笑嘯酒盞淺深惟寄興詩  
囊蕭索不堪攜邯鄲夢冷驚雞唱楊柳風輕送馬蹏多少  
愁懷縈別緒杏花開處魏陵西

家翼是過訪時有戒心相依坐定之事後有作

山城蕭索暮笳吹驚恐相依對酒卮養虎已成今變市談  
兵何術更勞師謝家諠共睹淝水韓子威難屈健兒萬里  
孤臣憐獨立書生原不負艱危

示陳端公學博

入南將帥尚登壇牙纛雙懸擁百官有客誰能揖衛霍當  
今必不負彭韓軍中擊鼓看分隊台下行人笑辟丸一代  
英雄原本色貂蟬何惜進賢冠

寄家叔父及諸兄弟

五嶺猶餘未埽氛今年長吏半從軍大功若出儒生手公  
議空傳露布文縱欲絃歌觀久治翻將菽水累諸君卜居  
白鶴匪吾事回首湘南一片雲

舟阻潯陽適夏年兄送酒走筆謝之

雪裏江頭一葉來山陰停棹待春醅故人相贈寒爐煖雲  
冷鈔關鎖不開

石灤州鯨 二十七首

鯨字浪秋一字橫海武陵人順治戊戌進士官灤  
州知州以剛直罷著有鷹來草堂詩鈔橫海性奇  
偉七歲能詩官灤時嘗條陳灤賦役疾苦上觀察  
使度支尙書允而未行有辛丑五月放歸畱別兼  
授館閣諸公七言長律五十韻歷敘牧灤及去官  
之由今從詩鈔中摘出其略云人說使君能坐嘯  
自慚俗吏厭奔馳欲陳馮翊淒涼色不盡春陵疾  
苦詞請見三年敲舊貫誰容二月買新絲幾番投  
匭陳觀察五次封書上度支署考勞心同下下况  
加強項奉期期行春勸稼公田穀雜夏初夢中谷  
摧直按主家湯沐邑失懼藩邸門闌斲桂枝本辣

安容蠶桑椹雖多不醉鴟自劾錯刀慚錯節毋勞  
貝錦綴成詩又云生來哢笑原難偶長脫形骸便  
數奇身世酒漿斟北斗命宮糠粃簸南箕又云偶  
爲明公校馬肆遂傳處士用牛醫故人已被篙師  
誤太守適爲漁父欺自笑孤辰甘貝齒敢云衆女  
嫉娥眉過蒙兄弟存班紵妄想君王乞敝帷捷徑  
山林歸去好愚臣邱壑本來癡嶽嵴歷落獨往獨  
來可想見其爲人諸體不作尋常語雖時病粗豪  
能一空依傍視剽竊摹擬者迴別與尹冬如皆少  
年喜事詩筆亦差近洵楚材之奇特者惜皆未竟  
其用也

入夏鎮

過齊不登岱况乃華不注沈吟復蚤發已見彭城樹回首  
遙相望佳約當後赴兩山喜我來事在且暮遇安得葛陂  
杖拄上天門路高尋東皇謁寶籙付我註復干大司命稽  
首祈下顧爲我藉鴻鈞元和手中布二氣常少陽萬物還  
太素外臣心區區顧備蓬萊數下裨水土平上按周天度  
穆穆天地交余方蹇高步

溪中

衆峯趨一水峯峯入我廬一水派三溪三溪映我裾白我  
來溪中何以爲起居自栽幾本竹兼植幾株欄且種幾畝  
田夕鋤幾畦蔬興或採藥意得或釣魚所食出吾力何

往非卷舒誓言此溪中承謝長者車頗聞當事子憤發生  
癰疽昨欲出溪去吾行且徐徐

夢醉後漸能飲田家釀熟日得頽然

孔雀臨清池顧影聊自媚立身豈無防險巖不能避孰令  
生文彩轉使自顛顛古無天年人多爲才所累胡不飲醇  
酒朝昏一酣醉

歸漸水呈汲庵先生

草堂瘡無營丹鉛事編改上下四千年門戶爭樞掇舊史  
久不成此念蓄已每虞卿小著書魯連久蹈海嗟我困貧  
賤責大任云猥聊當植根撥後起施蓓蕾故人出亡命從  
事請自隗先生舊史臣零落一老在掌故夙所諳是非豈



危殆鯨也寡庶人義不顧刑醢誓將隨夫子竭力正亥  
聞見陋一隅緩駕秣駑駘撥輯備國風以待 彤庭采不  
然藏名山厥重均鼎鼐請事勿沈吟老至將毋悔悠悠千  
載心俯仰其誰待

鷹來詩

草堂初告績颯然墮蒼鷹槎枒無所忌排闥歷階升先生  
坐槁木隱几非昔凭感汝萬里姿突爲犬所憑兒童乘其  
便掣以轆轤繩相君面與背厥貴誠可馮準若青鐵屈眼  
如紫石棱魑顏老蹙羸荆枯拿虎鷹側目視天地鷲肩而  
火騰俯看黃雀輩毳毼空毳毼羽翼亦已就橫絕追大鷗  
韓盧噲等伍未許相轢較從事鞞臂閒成功甯獨矜操其

雙老拳頭欲斃厥朋鄴侯文無害心忌淮陰能兒童撼物  
類欲報思用節我叱緩其縛置之屋上層丈人屋上烏胡  
然分愛憎乞憐肯搖尾顏色何嚴凝忍令雲霄質仰愧飛  
蟲薨衆生事陰謀機用強弓弮匿形巧攫逐狡兔常兢兢  
春秋謹無禮本以搏擊稱焉得猛士兮天路除恢宏毅然  
脫縲紲借汝長風凌南方氣卑溼上霧下潦蒸翩然快遠  
遊擇處毋因仍鉤祛猶在在此壘奠宜吹懲行行善寶之聊  
亦記吾會

楊柳村

兼葭雖離披性與江湖樂笑謂岸柳根生事原不各設身  
到山谷欲往無所著安能輕去鄉誰與對寂寞我來九月

天正值秋水落偶爲此物觸意欲返邱壑出門日已遠漸  
類筍離籜作書問故山兼程赴子約風濤三千里自晒一  
輕諾

舟中望金山寺

渡江輕風八尺艤江水發源玻瓈江西來萬里不回顧奔  
騰到海魚龍降金山一柱凌波立隨潮縹渺真無雙海門  
遙望重鎖鑰高建牙纛懸空杠是豈周鼎自此出江神力  
負何能扛或傳方丈失左股浮入水國遭衝撻大鼇不守  
偶被繫至今足底聞淙淙袈裟道人遂常住手植玉塔爲  
之楛我來不上自記取身是寺僧前姓龐偶因枯坐作水  
觀錯遣童子來窺應爾時物我俱兔角別來歲月如馬鬣

鬢髮久遭詩酒涴，語言番譯口齒咄。  
默想蒲團好在壁，琉璃一點熒殘何。  
寄言勿起舊梁笏，再來重與理幡幢。  
山靈送我，不辭遠請聽鼙鼓聲逢逢。

杜鵑

亡國大夫聽負冤，帝子心憤深刺客。  
傳病作越人音，雨激招魂賦風悽。  
戍婦砧春來痛切意，與汝共長吟。

夜坐答雪上人

我懶從多病，扶持愧不靈。  
幾回求藥裏，得命念朝廷。  
清夜看乾象，秋天明客星。  
江湖能自遠，細算短長亭。

和王山長

憶昔曾遊三泖湖，薑橙親膾四腮鱸。  
兩年虛負秋風起，一

夜思量明月孤痛飲只當謀老伴殘杯何事客京都陶潛  
種有義熙菊歸去來栽園未蕪

手板抽還辭未央孤臣無履足行霜乞全樸直江湖上不  
訴饑寒道路旁澤畔獨吟誰卜主酒泉移向當吾鄉 聖  
朝例有大酺賜異想衢尊沾一觴

答楊菊廬贈別

卿前爲壽舉卿危不忍聽卿贈別詩豈望衆人憐白也未  
知何日見徽之折來楊柳條青去記得櫻桃花放時吾道  
滄洲出分外幸將鬢髮不成絲

舟中

遊越情懷多蘊藉入吳心事轉翩翩風光北固頻相掠酒

墨西湖半有痕新煮芹芽思藥渚冷淘槐葉憶柴門等閒  
又作春風度虛費流年誰與論

都門雜感

客子經時委頓眠坐枯才予抱蝸涎已過四月黃梅節孤  
負百花芳草天近與道人求避穀見期廉吏可神僊此番  
採藥江南去不是過秦賈少年

往事不堪對子說近懷徒抱向誰開漫歌白水難求解更  
嫁青樓恥用媒四海何須驚我狂一身尙復受人猜長源  
全副珊瑚骨見住衡山歸去來

孤竹人來問起居寄書高老訊何如早尋彭澤先生傳莫  
上昌黎宰相書胡不歸休聽杜宇爲何拋卻好鱖魚鱖拳

既長萋蒿美願駕明公下澤車

近狀關心惟藥裹倦遊短鬢出莖絲註成素問宗黃帝從  
事丹方學鍊師舊客羊何今已散貴人許史不相知中丞  
亦未柴門過憔悴風流杜牧之

洞庭秋和詩三十首

有引錄四首

長安人有持些庵此詩問余洞庭之氣何如余曰洞庭  
有伯氣而無王氣有仙氣而無富貴氣人謂知言一夜  
引燭和此卻寄洞庭人

久憶洞庭湖水東五年不見老交通此時秋水正無賴當  
日扁舟宛在中亦既倦遊悲夕鳥何堪舉目送歸鴻軒轅  
樂器淪亡盡尚有湘妃赤斛桐

我原卽是古兮彝玉簡金書付與誰若問魚龍安有夜請  
看鴻雁到何時三千世界有如水十五國風無此詩汨沒  
左徒及太傅可憐半黠半爲癡

湖中大水買生淚天上孤雲屈子魂愁苦備嘗徒骨立聰  
明用盡失脛渾上林漫有二三賦雲夢安能八九吞我實  
胸中無芥蒂車前不輕後難軒

御風七月葉飄零天壤之間得未曾想向逍遙篇上去胸  
無涇渭辨何清計來九萬餘程客變化三千二相僧雲母  
屏中數黑子強將墨汁點成蠅

歸洞庭

又買漁舟歸洞庭倦遊真許息柴扃湘夫人怒予中道屈



沙汀書畫身 卷五十一  
左徒嫌我不醒兩別有情相望望九疑回首轉青青滄浪  
山下諸公在今夜遙知反客星

僕以壬寅十二月歸洞庭矣未至洞庭前一日因念

柴荆安在十口焉歸欲作書向楊大楊二分蘇公溪  
上草堂安置老弱未審得否時姬人霜紅在旁知狀

余命執燭遂和楊大客堂詩韻二首先寄之求寓公

禮也

原注長蒼仲丹  
皆用國子也

道人適遇黃初平教轉崑崙夜守更冬至奉行將過臘春  
王又看紀新正黃河望到何時返白髮悲因昨日生欲學  
神仙復護短病根應坐不逃名

我郎與溪同姓蘇牧牛牧豕任君呼不驚長者池中鴨寄

託丈人崖上烏子念讓彝收糴羅臣猶負罪恐瑕瑜想公  
相見一相笑甯識神亭卿與孤

再和王山長

還鄉乞賜白頭湖種豆南山也不蕪漁父相逢猶問我空  
山猶在若爲徒已藏劍缺行難仗縱有車裘不甚都豈必  
食魚河水鯉近聞尊老泖無鱸

王郎莫但引余裾潦倒爲人羸與疏繞樹依依飛倦鵲過  
河戀戀泣枯魚歸休青草短長憾才厄黃楊大小餘尙笑  
君平太世法徒將甲子記孤虛

過箬陂訪野骨寒濕兩上人

千頃箬陂浮寺冷兩峯雲簇逼僧寒閒來策杖剛投佛滿

壁新詩墨湧瀾

彭光祿之鳳 一首

之鳳字北海龍陽人順治戊戌進士選庶吉士歷  
戶禮刑三科給事中遷光祿寺少卿

望日臺

火維鎮南服乾坤相始終登峯候朝曦山色何龍嵒開合  
倏變化盪胸白雲叢振衣凌絕巘咫尺扶桑東俯看雲深  
處元氣浮鴻濛浩浩自太古天地爲幘幪俄頃日輪轉共  
道海門紅我時見舍利珠黍迷青空遠近墮瑤壁孳薑疇  
能工茲遊逢勝慨喟然造化功杲杲東方白蒼茫倚祝融

慮中書聯翼 一首

聯翼字雲升衡陽人順治己亥進士授孟津知縣  
有惠政康熙初大軍進勦吳逆孟津當其衝民不  
知兵以勞擢中書舍人

回雁峯晚眺

飛空潑翠古城邊俯眺崢嶸百尺顛  
兩水近流烝驛月一峯遙劃楚中天  
漫嗟身世成飄泊未覺滄桑有變遷  
清磬一聲諸界寂隔江星火動漁船

沈澹齋舊集卷第五十終

沉湘耆舊集卷第五十一

新化鄧顯鶴湘臯編輯

長沙毛國翰青垣校訂

唐玉山世徵 四十六首

世徵字魏子一字琴疊湘潭人順治辛丑進士授  
司理改玉山知縣滇逆變作棄官遠遁悲憤卒於  
廣陵著有數峯詩燕遊草爲郎小草碧泉詩鈔諸  
集魏子天性肫摯事親篤孝明末隨父崑嶽避亂  
山中力學不輟以壬午鄉試曾受知吳孳受先生  
終身事之治玉山有惠政時比之元次山詩雖稍  
染竟陵習氣而沈摯鑿刻清而不俗

玉山長碧泉  
詩鈔序余一

日訪唐魏子隱居地宋胡氏所稱碧泉在焉霜藤  
煙篠開寒流汨汨一碧無限魏子冥心真寄斗酒  
自勞或至高詠難酬孤衷莫託痛哭而返則呼文  
定之靈而和之是以嬉笑怒罵之中無非與觀羣  
怨之旨異日讀魏子之詩者江空笛迴清角一聲  
風雨波濤幻怪總至將有五色無主投袂而起者  
矣余請觀之泉上

傷情

振衣古桐陰卷簾秋煙靜夏蟲強相知目我以為冷茫茫  
笑談際方寸歷坡嶺結交難交新古人不唾井

天井逢講師元上人

斷汝五嶽筇停我湘天勒樹裏記前因相視一微晒祇園  
聽經人鳳作高岡隕曾于落花中識取機鋒緊別我上祝  
融萬松如可引名山劫亦然兵氣到茶筍聖賢愁自了任

遠寄深閨豈有自經蠶能絆霜天隼

夏雨田家

雨止日氣蒸千畦散青翠老農賴餘閑貪看好禾釋放水  
不攜鋤手弄碧波戲逐涼夜扉啟移尊山月至垂老但抱  
孫何曾記城市有客城中來爲言近日事湖南未解兵所  
至足咤異相對念生事一濺故園淚

悼畫眉二首

營巢詆巧燕倒挂欺玄鳳跳躑小雕籠百舌抵死弄隄防  
不周身饑狸伺夜動未足廢老饕空煩要害中綺窗侵曉  
默物情堪一痛癡愛轉生嗔得失翻夢夢因悟壽者相豈  
在多吟呀



羽族三百六凡鳥借威鳳玉斗與金籠豪貴矜玩弄戢翅  
飽貪餉奮距觸躁動小慧自戕賊斯言不幸中未防暗者  
嗤先爲黠者痛疇齊壽天數一雪恩讐夢冥鴻有遠心雲  
霄任清晝

夜出

爲吏夜復出夜出中心悲不告民易犯未若使知之古人  
重擊柝此事關安危荒鐙接遠野三五明星垂靜念茶亭  
僧爛漫睡多時誤叩驚僧起僧起何所爲延我坐桐陰白  
月紛然披是夕微涼生草蟲零露滋秋山不外隔莫悵尋  
秋遲

津修上人寄示草堂四韻索和

五峯隨地有不枉嶽高深聞汝結茅處數山連竹陰竿頭  
占進步清絕見詩心晚磬枯蒲裏秋雲坐綠沈

石浦草亭爲劉符九

竹覆渾無徑村迴此有亭岸煙隨暮雨渚草帶春星潤引  
畦三畝山移翠一屏徵君自經濟邱壑不求銘

寓榔江和王山長見懷

原注聞山長  
將赴公車

不出湖湘路栖栖怯遠遊破鑄三改井旅櫬兩經秋鳥市  
無枝樹魚憐半死鉤一從裴九去閑殺輞川舟

豈少傭春賃窮交敢浪依歸尋漁父宅老息漢陰機扣劍  
思公子輕身許布衣著書猶複壁未望歎知希

河上別鄧道邦

南天從此去歧路各愴情衰柳不堪贈孤鴻相向聲翠浮  
嵐岫遠黃落野雲平渺渺桃花雪西風吹又生

將理歸棹別子建彝子伯仲

敢厭遊蹤冷飄蓬又二年途窮多所累交久幸能全衰颯  
山川淚艱難風雨船愁心兼別緒回首正烽煙

秋日過小巽舅氏山居

健飯常思慰重逢青鬢衰累緣更事少亂悔入山遲細檢  
庭前藥勤刪病後詩初涼無限好巾櫛可忘疲

蔣道生易無畫罷試還永州泊舟過訪憶相別十六  
載矣

黃葉遲孤艇期予此出山顛狂一夜酒離亂十年顏竹屋

延琴韻霜花換鬢斑  
愚溪舊煙樹清夢可能刪

湘東別送者

五月湘東岸桃花水到扉  
帆檣千里約語笑一家依  
繫纜明仍發臨歧昨又非  
天涯憐薄宦同此寸心違

禱雨贈同僚諸君

雨暘皆曰罰占測總難言  
鬼魅知何禮山川愁負恩  
聞雷眞色變望野欲聲吞  
故事勞牲璧予方肅夢魂  
南北殊災祲精禋奚所從  
不成降甘露底事宿雲峯  
父老爭勞苦羣公果協恭  
昭回端在此莫復問鞭龍

贈徐孝昭歸宛陵

縣榻非無客相依獨素心  
雙魚留晚飯孤雁伴行吟  
梅雨

淹行李湖光動遠林勝情兼野艇歸路得幽尋

八月十六夜南樓小集

良宵趨妙侶清讌厠勞臣天補中秋月詩催斗酒人玉虹  
煙際動煖水坐來親欲沈蒼涼色從茲競美辰

九秋

東巡勞萬乘合殿引宸裾自有垂堂慮甯煩諫獵書  
孝思中外共 祀典合分初遄發還延佇 恩綸下玉除  
扈從趨簪筆枚甯重老成賜金心怵惕秘閣語崢嶸按部  
占星動 迴鑿夾道迎九秋方布令萬里肅霜清

郭幼隗還湘奉別

二千里外客又送故人行別淚新霜溼羈心遠雁聲老補

遊山債詩傳小縣名林宗昨宿處竹影自縱橫

喜車與三太史同令兄涵夫唐十泉陳百是過訪兼  
送之西湖

執手玉峯前秋陰澹菊天荒燈僧榻共明月院牆連爲吏  
銷清興依君欲羽仙向來湖上別重會定何年

清眺沿危巘幽深蕩小舟得碑皆可讀臨水最宜秋風日  
勤相守禽魚自解留橋南多勝事琴酒載高流

天馬峯謁李仙祠

七十二峯君次幾百餘里外一拳青寒雲界斷桑麻路亂  
石都如鸞鶴形自有劫灰曾不到此閒草木亦通靈長鏡  
定許爲儂持遙盼滄溟悲短翎

寄呈邵長垣師

遺吾清白舊髭眉，雞詔新傳拜舞時。  
漢法不聞收薏苡，楚人徒爾怨江離。  
壺觴野興香山社，花草春風別墅基。  
轉有盛名誹謗外，嶺南文字夜郎詩。

蜀僧不波住我泉上廢刹愛其堅忍卻贈

忽飄奇翰憩幽巖，攜得峨眉雪幾函。  
忍草牀前過雉鹿，劫灰叢裏振珠衫。  
溪花似解談三易，蔬茗無求乞一饑。  
結社亦能稱弟子，肯將靈運雜心芟。

訪水南諸公小憩楊明經別業

水南洞壑聳雲閒，位置名流世外閑。  
奇石肯容袍笏拜，蒼苔深護鹿皮斑。  
春風盡日吹雕砌，殘雪千村破凍顏。  
對酒

頭邊更愧空存無綠策向西州哭有夢來尋白馬奔遙憶  
瓦棺垂敝障不堪風雨送黃昏

原注吳公以子兆  
驚累死邊關云

玉照堂漫題

齋衙半角翠層層靜日常如退院僧得似宣城登眺少羞  
羸彭澤折腰能託身知己甯無淚握髮憐才愧有稱閩海  
美人多惠政典型枉望欲師承

自注謂  
黎愧翁

己酉長至

御牀高並紫宸闈待漏趨承鷓鷯班隱見五雲開曙色眞  
同合殿捧龍顏山城斗大霑春早勞吏愁多易鬢斑廿載  
昇平歌復且未應涕淚說時艱

鄧士賢從衢州收其先人象巖公遺骨併畫像一幅



還荊州

鬼嘯松門不計年，豈知今日返林泉。  
三秋覓路孤兒在，一賦招魂老友憐。  
隔代遺忠懸野史，出山小草累名賢。  
同鄉酌酒堪相慰，歌滿三衢被管絃。

岳陽道中

三閩祠下草萋萋，竹兔山雞掠馬蹏。  
儘有征人迷問渡，一肩曉色向寒溪。

瑞洪泊舟酬費瞿如韻

十年湘浦倦垂綸，怪底怏怏走世塵。  
一幅斜陽疏柳裏，賴君攜作晚秋人。

羽泉

生爲茶經累季疵，禿矜揚杓亦何辭。豈知北郭空山裏，占得寒泉雪一池。

夏日集會西山廣文齋中

十笏香齋倚綠蘿，古樟如蓋夏陰多。曉來添送西溪雨水，面新抽數尺荷。

三餐杏粥省提壺，百盞畱賓意未娛。最是月明人盡散，芭蕉深影落庭孤。

羅御史人琮十四首

人琮字宗玉，桃源人。順治辛丑進士，授寧波府推官，改朝邑知縣。行取四川道御史，著有紫蘿山人集。四庫全書存目有最古園二編十八卷，稱其

漫衍縱橫大抵以才氣用事其云二編者以尙有  
初刻最古園集二十八卷也今俱未見

卽事

蜻蜓占微族任天何揚揚方厯伯勞避未計蛛網張投身  
向空際力盡猶翱翔亭午偶散步創危入瞻望死生爭瞬  
息惻然爲內傷持竿破蛛網困體落我傍解縛與滌蕩生  
意徐洋洋遺爾輕捷質高飛入蒼蒼端坐思蛛網殺機巧  
伏藏徒貪意外獲不恤同類戕誓當盡掃除勿使列楹廊  
顧蛛長子孫卒業出故常禁此不獲展生理安得將造物  
無全仁相養每相妨恩愛固莫解怨毒亦終償二蟲復何  
知一笑吾坐忘

花朝

花朝天氣佳庭階生微暖暗香隨好風蜂蝶試款款農人  
犁鋤忙遊女機杼緩出門步前溪溪流清可澣蘭芷流清  
芬鶻語嬌絲管耳目有餘欣足令懷抱散始知喧寂分意  
至無長短獨行還獨歸素心昔所罕

寓晉暢月作

上黨天下脊枝派肆分衍我來萬山中奇奧安能辨豈無  
千里目登高時一展但見煙興嵐瀾離工點染幾時汗漫  
遊馭風冷然善况此人世閒怡情固其選欲行復入門幽  
興每相舛枯坐搔二毛羈愁生仰俛

偕友遊秦人洞值雨宿洞前村舍沾酒至醉

煙雨空濛迷洞口、村舍山光搖戶牖。桑麻雞犬何地無，是中岑寂惟宜酒。坐聽山鳥嘯流泉，鳥聲格格泉涓涓。秦人不放桃花去，東風一夜飛榆錢。明朝人事便陳迹，醉過春華穀雨天。

桃川

居人聞我至，餉饁助清遊。絕景憐塵夢，空濛入醉眸。種桃原世業，剗藥卽靈邱。莫羨黃瞿侶，丹砂亦幻漚。

雜詠

南周北阮素心儕，晨夕過從散積懷。久廢彈歌忘玉鱗，姑尋妙理恕茅柴。山中報刻無懸漏，座上添春有墜釵。未覺三移蹤跡幻，還將清夢寄高齋。

平生作計許吾曹肯向千秋覓朕膏覺悟偏生標一指神  
明固勝畫三豪全天自合同檣櫟與世何當學桔槔閑卻  
此身休運甕姑從痛飲快持螯

宮門上封事恭承 清問畧通疏意 上稱是者再  
先日始雪退朝復雪禁路寥寂孤行六花紛翻中亦  
盛遇之幽景也

宮門聽御迴千秋日表充融道氣周國是聊陳流壤末  
天言早許菲葑收彤廷積玉侵朝履禁路飛花點敝裘肅  
退孤蹤臣自識憑誰譜入上林幽

述懷

聞道嗒然我喪予漁山樵水總非虛憑誰紙墨爭壇坫也

向荒蕪試翦耒衆吠何當辭蜀雪技窮漫自比黔驢此中  
消息無煩破一酌寒泉意豁如  
忘筌未必卽多魚把釣江頭聊自娛雅躅難辭時柄鑿高  
懷半取俗胡廬山中白石終堪煮甕裏黃齏尙足餽屈曲  
餘生還自憶休教急景任羲驅

任坦平生不用占飽嘗况味苦辛甜盛年冉冉艱難去衰  
鬢星星歲月添世事灰心難再熱人間炙手有餘炎閑中  
撫影誰能測惟有蒼松伴老髯

歲杪感述

盡日泯營手自又漫揮墨瀋走龍蛇英年好事同驚瀨晚  
歲閑情共落霞清聖濁賢多古趣赫蹏烏玦足生涯傲寒

一撫凌虛檻羸得貧居減歲華

十二月望日立春

荏苒年華又及春勞塵天上兩車輪  
關情豈遂忘憂樂適意何容感  
屈伸岸柳將回鶯宛轉山梅卻與雪  
逡巡兒曹不悞糟邱彼好向青陽醉夕晨

釋禁

君恩浩蕩真無極臣罪昭明敢妄希  
便捲詩書尋舊業落英尚足慰朝饑

車給事萬育 十七首

萬育字與三號鶴田邵陽人康熙甲辰進士改庶吉士散館授兵科給事中晉兵科掌印掌登聞鼓



事先生居諫垣日所陳皆國家大事人所難言風采隱然直聲震天下性至孝通籍後值滇逆之變父教授公留原籍湖南道不通朝夕涕泣亟請假隨一王師南下崎嶇艱險急謀定省及邵陽開復訪其家則教授公已前卒矣痛不欲生老四親王憐之曰此孝子也因奉繼母及兄弟百餘口同遷江寧名其居曰懷園仁廟南巡閱河名見行在問治河方畧歿後復名其子編修鼎晉問病卒狀諭令卽葬江寧故給諫官雖不尊而天下榮之張文端熊文端二公稱爲古之遺直一代偉人不誣也先生學博治善書法所藏明代墨跡

最富刻有明代螢照堂法書十卷歷代君臣交臂

錄一百卷奏疏四卷集唐詩十六卷

孝威熊文端公車都諫墓

誌銘序署公成進士選庶常高陽李文勤公國士

目之同館悉敬服曰車公他日不爲相必爲諫官

也散館授戶科給事中君念報國以言當務其上

大者急者首具河工一勢永逸之疏既逾月復上

運道機宜六事特旨差同各大臣督理河工

事務行有日以逆藩蠢動中止旋具疏論漕運不

實論智撫遷轉激勸之法論招撫論關課侵欺缺

額皆人所難言者尋丁外艱服除補兵科陞掌印

於時中宮虛位六年皇太子春秋十一矣君念

國家大事莫急於此時上疏請冊立中宮及

皇太子出閣讀書上諭冊立事俟太皇太

后懿旨行皇太子即日出閣讀了舉朝雖然額

手稱慶以爲此朝陽之鳴鳳也君又有肅朝儀一

疏有撫臣規避一疏又直陳時政得失十疏累六

七千言一日入奏面對畫痛下二十刻上虛心

垂聽同列以煩瀆爲君懼君曰吾以言爲職敢不

盡乎吾竭吾誠耳建師其

他當是時君直聲震天下

勝水庵

衝雲過前嶺指點尋初地中有吾鄉僧能會住山意門前  
闢一壑瀑倒橫橋翠小與石爭勝是一還是二古樹照浮  
圖聲光炯高寄楚人善楚聲空以緇素異我當一再來與  
之分半偈

香水庵放歌

春郊霧擁迷朝暮谿流曲曲看成路我來踏斷草橋煙小  
艇參差橫古渡帆開遠浦棹清歌兩岸垂楊牽芰荷新綠  
到江澄萬頃日光落水翻千波大香水海圓且慧禪關隱  
隱雲封閉法藏參來一字無莫與山僧分半偈登樓目送  
晚天霞煙火鱗鱗幾萬家一望蒸湘雙練出合江亭上夕

陽斜夕陽樹裏山  
照不盡遊人來往  
眺竹陰深處如有  
聲耳邊疑是蘇門  
嘯薰風南來殿閣  
香聽徧前廊與後  
廊  
攀得眾芳盈兩袖  
歸途燈火雜螢光

春暮李郡伯招同諸公遊桃花洞

晴郊初試馬亦似  
爲春忙不及桃花  
發猶餘洞口香  
昔含昨夜雨鶯囀  
隔林簧到處吟應  
遍詩漣未易償

瞻祀亭

小有藏書室平泉  
醉石園窮山那辦  
此僻地自成村王  
母扶鳩至諸孫戲  
綵翻旅塵今洗盡  
課讀亦忘喧

日涉多成趣都無  
津可迷古堂疏豁  
意茅屋澹如斯儉  
德循先訓勲名與  
世期江湖心魏闕  
家食敢言怡

數武沿溪磴過亭亦有橋懷新看禾黍寄遠幾鷓鴣濠濮  
蒙莊樂讓西杜子招時隨鄰叟去不覺路迢迢

道路從兄弟家園娛老親欣言百歲健憚作四方人野處  
良真率清時便隱淪誰知釋褐日未解布衣貧

懷園秋興

愛與吾廬近開扉步卽舒傍雲朝遡石趁月夜攤書深樹  
鳴蟬處高樓過雨初悲秋人已往痛飲說三閭

金陵憶家園集唐十首

壽命天教過七旬老心多感又臨春枉逢花木無新思自  
喜煙霄足故人直以疏慵招物議每勞存問愧交親客來  
吳地星霜久楚外千峯入夢頻

行樂三分減二分煙郊四望夕陽曛門前學種先生柳嶺  
上猶多處士雲幽賤粗能分菽麥子孫相約事耕耘落花  
寂寞黃昏雨靜夜名香手自焚

昔年心事共誰論未薦高詞直掖垣淺薄將何稱獻納榮  
枯安敢問乾坤窗中早月當琴榻崖上餘花落酒樽袞職  
曾無一字補閒歌 聖代和兒孫

強移栖息一枝安濕氣偏添半夜寒旅夢遠依湘水闕酒  
腸俱逐洞庭寬閒登鍾阜林泉曉聞道金陵龍虎盤惆悵  
春歸畱不得湖南山色捲簾看

二頃湖田一半荒生涯萬事有蒼蒼溪浮箬葉添杯綠秋  
颯梧桐覆井黃歸去水雲多阻隔老來親友半凋傷弟兄

沙洲春集 卷五 一  
聚散雲邊雁猶自首書滯一鄉

眼前塵土漸無情林下茅齋已半傾  
細水浮花歸別澗涼風吹雨滴寒更  
向平嫁娶貧中畢庾信文章老更成  
枕上酒容和睡醒烏臨窗語報天晴

落落孤松何處尋囊螢曾此寄煙岑  
三千木落半年客一夜月明千里心  
藥圃池連山色近草堂門掩海濤深  
登科未足酬多學酒滿芳樽淚滿襟

心地忘機酒半酣春風無事傍漁潭  
詩稱國手徒爲爾老覺人情轉不堪  
樹影悠悠花悄悄晴煙漠漠柳毵毵  
疲牛舐犢心猶切世路風波子細諳

怡園秋興

金粟香新甕餐英伴晚茶三灣流活水一竈煮秋花

吳固原李芳 三首

李芳字茂孫一字茂生邵陽人康熙甲辰進士官  
中書舍人出爲固原州知州茂孫初生時其姑適  
李氏者愛之欲撫爲子故名之曰李芳崇禎己卯  
舉人永明時仕已顯矣滇黔內附後歸里有勸之  
會試者復以原名籍禮部官中書屢典邊州清荒  
免賦政聲卓然茂孫在當日盛有才名與稚潛袖  
石諸老友好有集久佚今所存詩止三首殆猶不  
免竟陵習氣云

重登雙清亭



卜居敞清幽常作煙霞想嘉樹與閒花乃在峭壁上古亭  
既已荒結構從恂恍一朝躋其巔人意殊空朗二水胡然  
來澄潭停泉響重以月照之回互而沆泮寒雨落孤城對  
此失個儻艇子如抱前訪戴從茲往

中秋夜集次郡伯李公韻

每從風雨祝新晴兀坐城隅江水清半壁篝燈方黯黯平  
臺皎月自明明菰菱乍白蟬無語橙橘纔黃雁有聲樽酒  
頗堪酬永夜湖天漠漠故人情

贈沈郡伯

地經戰伐民堪念烽燧連年萬戶哀不有我公勤無字將  
毋阡陌盡蒿萊嗷嗷中澤流亡復皞皞春臺笑語陪行見

和風隨仗散千峯生面帶雲開

劉進士恂 二首

恂字讓子號酉石辰谿人康熙甲辰進士著有酉

石詩集

海舟 有引

舟以海名嵌辰江絕壁之半厂厂所倚處圓石環之累  
累如人爲蓋千百年於茲矣或曰沈香舟在昔高辛女  
所畱其說參廓姑妄言之而妄聽之

三山在何許洪濤閒阻之頑仙不得入維舟辰江陞半厂  
爲天水杯渡甯若斯問此千年物誰爲晝夜司吁嗟人外  
事難以常理推泛棹來過此吟哦獨遲遲我心如虛舟彼

岸何嶮嵒風波浩無涯忠信吾所持

龜山歌

龜山之石何蠢蠢善卷之塚在山麓其下洞天三十六  
向洞前曾卜築從師學煮雲母粥時見仙人騎白鹿仙人  
世厭幾陵谷無復當年洞中屋黃昏風打龍湫竹洗砂橋  
邊水不綠鷓鴣嘯罷杜鵑哭

李舉人銘 一首

銘字麓湘湘潭人通志作善化人康熙癸卯京闈  
舉人

百花洲

江風吹雨百花飛早晚持竿喜得歸身在江南圖畫裏令

圖今日乃親蹈之也陳桃文集有撫軍幕中贈王  
赤雲初度詩所云幕下芙蓉庾子山翩然笑揖五  
侯閒者也後以滇逆之變匿影深山不復出年五

十卒

雁信

沙明水碧數聲來九月風高尙費猜紙貴適思天一寫硯  
荒如待羽三催秋空鶴冷多時露日落人登何處臺彭蠡  
洞庭俱渺淼衡陽幾幅望峯迴

何舉人鼎一首

鼎字晴山靖州人康熙丙午舉人

咏驢

誰將顯爵錫連城如汝人才努力行蹇比驚駘輪捷足技  
驚點虎一長鳴禪心每向蹶閒覓詩思新從背上生邨口  
斜陽芳草地幾羣蹠躩傍沙汀

陳曲周憲道一首

憲道字介如邵陽人康熙己酉舉人官直隸曲周  
知縣有善政外艱去官服闋以母老不復出著有  
慎庵藏稿頰上甯諾黃岡張希良爲之序行今未  
見

會山橋

橋從流水得何事得山名但悟眾山響如聞亂水聲古碑  
殘莫識幽草細難明甌勉驅前路輸他濟勝情

李解元世英 三首

世英沅州人一作麻陽人康熙壬子以貴州籍舉

鄉試第一

弔四節祠

瓮泡灘頭水聲訴似訴當年殉節故五溪大小四百灘此  
灘今古名爭慕問灘何以名乃是四節成名處事在嘉靖  
二十有三年蠟爾山前吹毒霧張旗正吐蚩尤芒狂噬敢  
嬰槃瓠怒麻陽斗大城斜日遊狐兔里巷絕人煙蟲沙同  
劫數向家婦女此閒任三婦各執爨一女當窗理紈素生  
不同居死同赴避寇羣向灘邊聚狂奴敢爾爲泥不汗清  
露灘浪飛作珠四節一心如鐵鑄一婦亂中流一婦波心

渡一婦初婉身尚有懷中孺母子得同歸泉下承慈哺向  
女皎皎身元是父母付到此更何求將身父母去三婦一  
女生不同居死同赴以此益泡灘頭水聲訴事平求貞軀  
衣襦各完具宛在水中央僵立乃不仆慘甚抱兒婦既死  
猶將護古來奇節何其多奇節多自閨中樹淮上露筋聞  
逆旅斷臂著何如四節一灘名合傳應煩中壘註亦越萬  
歷初賢宰知所務原注嘉靖時邑令周文狀聞立碑礪俗  
萬歷初邑令余夢呂爲建四節祠發幽光四節事屢籲得請同一祠皇皇四主祠噫噫吁天  
地正氣流形賦庶幾忠仁義士烈女可以旦暮遇君不見  
麻陽纔有四節祠吳中更有五人墓

按此詩亦見硯  
北翁沅西備草

步東郊至長壽庵小憩

出郭纔三里，郊行信一筇。  
俯看泉涓笏，背指日高舂。  
菜熟秋前甕，林疏雨後鐘。  
最憐塵事少，野衲與山農。

聞人說黃巖之勝

見說黃巖世外尋，入山深處不嫌深。  
到來野色平於掌，坐聽泉聲澹此心。  
畱客盤餐具雜黍，逢人農事話陰晴。  
桃源世外誰能覓，遊興予將學向禽。

郭武舉宏暉一首

宏暉字文克，益陽人。康熙壬子武舉。此庵先生諸孫以善書名一時。

見嶽樓次韻



峻嶒高閣倚天邊  
授簡闈公愧少年  
一片江聲流檻外  
萬峰雲影到窗前  
消除白晝還憑酒  
檢點青山不用錢  
北望長安思舊侶  
月明回雁數行連

余武舉英 二首

英字就園邵陽人康熙丁卯武舉

東湖訪一麟禪師

幾載東湖約今來亦偶然  
數峯迴野徑一寺挂江天  
春老幽人夢山深古佛緣  
到門還緩步倚杖聽流泉

度梅嶺

磴道參差樹杪懸  
籃輿曲折破蒼煙  
東分海上千重嶺北  
盡雲中萬里天  
丞相祠堂仍俎豆  
將軍名姓紀山川  
祇今

嶺上梅花少折贈無勞驛使傳

沈湘齋舊集

卷第五十一

五

沈湘齋舊集卷第五十一終